


**SENIOR CERTIFICATE
EXAMINATION
*SENIORSERTIFIKAAT-EKSAMEN***



**FEBRUARY / MARCH
*FEBRUARIE / MAART***

2007

**SETSWANA PUO YA
NTLHA
SEEMOGODIMO**

Pampiri ya Bobedi

SETSWANA PRIMARY/FIRST LANG HG: Paper 2

HG

117-1/2



**9 pages
9 bladsye**

**COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI**



LEFAPHA LA THUTO LA GAUTENG
DITLHATLHOBO TSA MAKGAOLAKGANG

SETSWANA PUO YA NTLHA
SEEMOGODIMO
(Pampiri ya Bobedi)

NAKO: diura tse 3

MADUO: 100

DITAELO

- Pampiri e, e arogantswe ka dikarolo tse tharo A, B, le C.
- Buisa ditaelo tsa karolo nngwe le nngwe pele o araba dipotso.
- Dirisa dipalo tse di dirisitsweng, se fetole dipalo tsa dipotso.
- Araba dipotso tsotlhe ka Setswana, mme mokwalo wa gago o bonale.

KAROLO YA A
MABOKO

POTSO 1

Baithuti botlhe ba tshwanetse go araba potso e.

Buisa temana e e latelang, mme morago o arabe dipotso:

A Sharpeville o'lerileng matlhamutlhamu!
Matlhamutlhamu a tletseng magogotho:
3 A Sharpeville o ba bolaileng jaaka dikgomo
Dikgomo 'sakeng, di timile legotho.
Ba tlhaselwa ke ditau di gotlholang.
6 Ba tlhaselwa ke dinkwe di 'nala di bogale,
Bogale jwa teng setshosi, bagale –
Nnaare Sharpeville o ba bolaelang?
9 O ba thudile jaaka nare a šakgetse
Diaparo tsa bone o di kgagotse
Ditlhogo tsa bone o di phatlotse!
12 O di phatlotse jaaka makatana,
Gakologelwa: "Mabogo dinku a a thebana".
Dikeledi tsa lefatshe - C.L.S. Thobega

1.1

- 1.1.1 Maikutlo a mmoki a ntse jang? (1)
- 1.1.2 Ke ka ntlha ya eng fa mmoki a le mo maikutlong a o a kaileng mo go
1.1.1? (2)

- 1.1.3 Nopola o bo o neele ponagalo ya poko e e tlhagelelang mo meleng 1 le 2. (2)
- 1.1.4 Mokwadi o dirisitse sekapuo sefe mo moleng wa 3? (1)
- 1.1.5 Naya tlhaloso ya seane se se tlhagelelang mo moleng 13. (2)
- 1.1.6 Morero wa leboko le ke eng? (2)
- [10]**

POTSO 2

Go dipotso tse nne mo go Potso 2, fela o tshwanetse go araba dipotso di le PEDI fela.

Selelo sa mmoki – MCD Mogotsi

2.1 Buisa nopo e e latelang, mme morago o arabe dipotso:

Medupe	
Merwalela ya latela tladi e ntse e imenne noka; Ya tla go bala malatsi lefatsheng leno la batshedi, Mme dinoka tsa ikaelela go susumoga dimpa;	3
Matamo a buela tlase, makuka a gogomoga, Mme megagaru ya tsone ya utlwise botlhoko, E re loeto lo simologa, tshenyo e nne e e setlhogo.	6
Ya rwala maborogo, diporo ya itshamekela koloti, Mme mo tseleng go ikgabaganyetsa mangope a a kotsi; Mafika kwa thabeng a kgokologa ka boatla go bua le motho, Mme molemi a lebelela dijalo di kokobetse bodibeng ka matlhomola.	9

- 2.1.1 Merwalela ke eng? (2)
- 2.1.2 Fa ditshenyegelo di le PEDI tse di tlhodilweng ke merwalela. 2x2=(4)
- 2.1.3 Nopola go tswa mo temaneng go supa fa merwalela e nnile lebaka. (1)
- 2.1.4 Naya ponagalo ya poko e e thaletsweng mo moleng 1. (1)
- 2.1.5 Tlhalosa ponagalo ya poko e o e fileng mo go 2.1.4. (1)
- 2.1.6 Fa leina la sekapuo se se fitlhelwang mo moleng wa 3. (1)
- 2.1.7 Tshegetsatsa karabo ka go nopola sekao. (1)
- 2.1.8 Naya tlhaloso ya mafoko a a thaletsweng. 2x2=(4)
- [15]**

2.2 Buisa nopolo e e latelang, mme morago o arabe dipotso :

Badisa ba kae	
	Badisa bano bone kgomo ga ba e itse; Ba botse ka mohuta wa bojang o swe ka ditshego;
3	Le kwa kgomo e fulelang gone ba ka se go supe, Mme motlhala o ba o itseng ke go emelana jaaka basadi. Motswana, tsoga o tiise thapo, o lebe kwa o yang;
6	Se tshwenyega ka kgomo o e itatotse bogologolo. A ko o nne modisa wa lotso le puo eo ya gago; Borre rure ba tshabile ka pele.
9	Ba malatsi ano tlotlo re e ba naya fela; Le ngwana a latlhega ga a ba tshose. Badisa ba maloba ke marobala-thoteng,
12	Mawelwa-ke-phoka le serame sa mariga, Ma-apeela-borre ngati, maja-moswang, Letsopa le tletseng boipelo, le gopolwang gompieno,
15	Tota ga go badisa ba re ka ikgomotsang ka bone; Re setse ka motsoko wa bommankgodi fela.

- 2.2.1 Go kaiwa eng ka setlhogo sa leboko le? (2)
- 2.2.2 Ke badisa ba motlha ofe ba ba sotliwang mo meleng 1 le 2? (1)
- 2.2.3 Go dirisitswe sekapuo sefe mo moleng 4? (1)
- 2.2.4 Ke eng se badisa ba motlha o o fa godimo ba itsegeng ka sona? (2)
- 2.2.5 Mmoki o bona go le botoka fa badisa ba ka leka go dira eng ka ba palelwa ke go disa? (2)
- 2.2.6 Fa sekapuo se se mo moleng 11. (1)
- 2.2.7 Fa dintlha di le PEDI tse badisa ba bogologolo ba farologaneng le ba sešweng ka tsona. 2x2=(4)
- 2.2.8 Naya letshwao la poko le le fitlhelwang mo meleng 11 le 12. (1)
- 2.2.9 Fa sekao sa letshwao la poko le o le fileng mo go 2.2.8. (1)

[15]

2.3 Buisa dinopolo tse di latelang, mme morago o arabe dipotso:

Molekane	
	Godimo ga thaba ke ne ke tlhona, Matlho a tsepame lefatshe ka bophara. Kgakala mo kgopolong, dinonyane tsa bo di opela ka boitumelo, Mme melodi ya tsone ya ntshirrola pelo;
5	Ka gakologelwa fa nna molekane ke mo tlhoka. Di ne di fofela tlase ka bobedi ka bobedi, Ka diatla di tshwaragane jaaka bana. Kgosikgolo di e tsentse gare Gonne di ya go tsaya mohumagadi,
10	Setšhaba se mo rata bobo
	Ke ne ka italetsa jaaka Tlhoi, Ka duduetsa, ke betsanya makala: A kgosikgolo le mohumagadi ba gole Mme lefoko la bone le agelwe mosako,
15	Mantswe a bone a e nne thuto fa gare ga balatedi Go isa losika lo lo diphofa Lo ikemela ka bo-lone, Lo segofetse, lona bana ba loapi; Ga go yo o tla tshwanang le lona
20	Fa a sa lo galaletse.

- 2.3.1 Mo dinopolong tse, mmoki o hutsafatswa ke eng? (2)
- 2.3.2 Mmoki o ne a tsibosiwa ke eng, fa a ntse a akanya thata? (2)
- 2.3.3 Tlhalosa mola wa 4. (2)
- 2.3.4 Fa ponagalo ya poko e e fitlhelwang mo moleng 14 le 15. (1)
- 2.3.5 Nopola ponagalo ya poko e o e fileng mo go 2.3.4. (1)
- 2.3.6 Naya morero wa ditemana tse pedi tse di fa godimo. (2)
- 2.3.7 Ke sekapuo sefe se se renang mo dinopolong tse? (1)
- 2.3.8 Naya tlhaloso ya sekapuo se o se fileng mo go 2.3.7. (2)
- 2.3.9 Fa tlhaloso ya seane se se fitlhelwang mo moleng 14. (2)

[15]

2.4 Buisa nopolo e e latelang, mme morago o arabe dipotso :

Masiela	
Morui wa nta e e motopo, mosotlegi fatsheng. Motshodi wa tumelo, modisa wa dikonyana, Mophuthi wa balatlhegi, sekegela tsebe ya masiela ...	3
Morwala-tlotlo tshotlegong, mo-ilwa-ke-bahumi 'fatsheng, Radikeledi, Radikeledi, Radikeledi, marothodi a a sa sisimogweng, Mmonadilo o se nang le mogaeno, o tswalelwang ntle o batla thuso?	6
Mokgarakgatshegi 'fatseng la matlhomola, 'fatsheng la ba ba kobo dikhutswane. Dikgatamping o wetse 'fifing dipone o di amogilwe, Wa bona wa tlabusela sefofu matlho dikgapeng o a rwele, O gowa sekolobe-lentswe-magwagwa, lefatshe le go dilola fela.	9

- 2.4.1 Tlhalosa bokao jwa setlhogo sa leboko le. (2)
- 2.4.2 Maemo a botshelo jwa mmoki a ne a le jang? (1)
- 2.4.3 Tshegetsa karabo ya 2.4.2 ka dikao di le PEDI go tswa mo lebokong le. 2x2=(4)
- 2.4.4 Nopola o bo o neele ponagalo ya poko e e tlhagelelang mo moleng 4. (2)
- 2.4.5 Fa leina la sekapuo se se thaletsweng mo moleng wa bofelo. (1)
- 2.4.6 Tlhalosa bokao jwa mola wa 3. (2)
- 2.4.7 Tlhalosa letshwao la poko le le fitlhelwang mo moleng 4 le 5. (2)
- 2.4.8 Go kaiwa eng fa go twe, 'go nna dikobo dikhutshwane'? (1)

[15]

MADUO A KAROLO YA A: [40]

**KAROLO YA B
TERAMA**

Fa o araba 3.1 mo go Karolo B,   tshwanetse go araba 4.2 mo go Karolo C.
Fa o araba 3.2 mo go Karolo B, o tshwanetse go araba 4.1 mo go Karolo C.

POTSO 3

Dintshontsho tsa lorato – L.D. Raditladi

3.1 Buisa temana e e latelang, mme o itse go araba dipotso:

A: Ke go boleletse gore ke tla ba phatlalatsa:
Lo tlile, khunwana ya ga Mmamolotsana,
Lobaka lwa go mpolelela, kgarejana,
Gore ke tle ke bue mafoko ke a ralatsa
Go bo mosadi wa me montle, ga a na mmala.
Menomaswaana o mono o ituletse fela,
A masweu a tswana fela le dinaledi;
Fa ke mmona ke tsholola dikeledi,
Pelo ya me ke utlwe e rutha.

B: Ga ke itse gore ke ka bua nao jang

A: A re se omane, ngwana wa Bangwato,
Ke tla go ruta botshelo le metshameko
Ke tla go ruta go ya le peo go lengwa,
Ke tla go ruta go boa mmogo le mmoko
Go bo mosadi wa me ga ke batle a senngwa
Ke batla a nthata ka lo logolo lorato

B: O buang? Lorato!
Puo ya me ke yone eo, Sakoma;
Ga ke dumele fa ke go rata

- 3.1.1 Fa maina a dibui **A** le **B** mo temeng e e fa godimo. (2)
- 3.1.2 Go phatlaladiwa bomang? (1)
- 3.1.3 Ke eng se se tlhotlheleditseng gore batho ba o ba kaileng mo go 3.1.2 ba phatlaladiwe? (2)
- 3.1.4 Go mongwe yo o neng a gana go tsamaya fa ba phatlaladiwa. Fa leina la gagwe. (1)
- 3.1.5 Lebaka le le dirileng gore a gane go tsamaya ke lefe? (2)
- 3.1.6 Bolela gore mmui **A** o ne a mo raya a reng gore a feleletse a tsamaile. (2)
- 3.1.7 E kete mmui **A** o matlhomantsi / ga a kgone go bofa pelo ya gagwe. A o a dumela? Naya dintlha di le PEDI go tshegetsa se. (5)
- 3.1.8 Mmui **A** o tlile ka puo efe? (2)

- 3.1.9 Ke ka ntlha ya eng fa mmui **A**, a laela mmui **B** jaaka ngwana wa Bangwato? (2)
- 3.1.10 Kwa ntlheng ke eng fa mmui **B** a ne a dumela go ratana le mmui **A**? (2)
- 3.1.11 Fa maina a batho ba le babedi ba ba neng ba tlhotlheletsa mmui **A** go ratana le mmui **B**. (2)
- 3.1.12 Jaanong mmui **B** a re lebaka ke lefe fa a sa rate mmui **A**? (2)
- 3.1.13 A mmui **A** o ne a dumelana le se? Tshegetsa karabo ya gago. (3)
- 3.1.14 Puo e, e ne ya baka eng kwa bofelong? (2)
- [30]

KGOTSA

- 3.2 Setlholadintsho mo terameng e, ke lorato lo lo kotsi, lo lo kgoberang maikutlo, mme e bile lo ka pateletsa batho go tsaya ditshwetso tse di botlhoko. O ikaegile ka se, supa fa gongwe ditiragalo tsa terama e di tshegetsa se. Tlhamo ya gago e se fete tsebe le halofo. [30]

MADUO A KAROLO YA B: [30]

KAROLO YA C PADI

Fa o arabile 3.1 mo go karolo B, o tshwanetse go tlhopha 4.2 mo go karolo C.
Fa o arabile 3.2 mo go karolo B, o tshwanetse go tlhopha 4.1 mo go karolo C.

POTSO 4

Masaikategang a magodimo – J.M.K Mekgwe.

- 4.1 Buisa temana ka kelotlhoko, mme morago o arabe dipotso:

Mogopolo wa moeka wa boela morago ka lobelo. Mmotorokara o o timetseng gaufi le bentlele ya ga rre Ditlhora ... mmala wa ona ... ee, o motala! Ke ona o o bonalang mo mangapong mo tlase ga o montsho, o go bonalang o tshasitswe ka potlako. A gakologelwa tshaloso ya ga monnamogolo mabapi le monna wa ntlo e o fitlhetseng e le lolea; ya mo kotama. A gakologelwa gore ke monna wa lohube; a tlhomamisiwa ke mafoko a ga mmaSetšhele, mme bogolo ke go utlwa a gotlhola botlhoko. A itse gore ke ena; ga go yo mongwe!

A mo gadima ka matlho a tletse kilo, mabogo a lemile lepetleke, a roroma. A rakanya matlho le monna yo o sa bolong go mmatla botshelo jwa gagwe jotlhe; monna yo o eletsang go mmotsa sengwe ka ga mmotorokara o o timetseng; monna yo o eletsang go mmotsa sengwe ka ga maiteko a a foloditseng a go mo digela kwa tlase ga moratho wa Bathoeng; monna yo o eletsang go mmotsa, mo godimo ga dilo tsotlhe, sengwe ka ga se se bakileng loso lwa ga rraagwe!

- 4.1.1 Fa leina la moeka yo mogopolo wa gagwe o neng wa boela morago. (1)
- 4.1.2 Mogopolo wa moeka o ne wa boela morago kwa kae? (2)
- 4.1.3 Tlhalosa gore moeka o amana jang le mmotorokara o o timetseng. (2)
- 4.1.4 Lebaka le le dirileng gore a nne le kamano le mmotorokara o, ke lefe? (2)
- 4.1.5 Monnamogolo yo o kaiwang mo temaneng ke mang? (2)
- 4.1.6 Tlhaloso ya monnamogolo mabapi le ntlo e e fitlhetsweng e lo lolea ke efe? (1)
- 4.1.7 Mafoko a Mmasetšhele a a buileng go tlhomamisa gore monna yo ke wa lohuba ke afe? (2)
- 4.1.8 Moeka o ne a tswa kae fa a lemoga mmotorokara o o timetseng gaufi le bentlele ya ga Rre Ditlhora? (1)
- 4.1.9 Tlhalosa gore o lemogile mmotorokara jang. (2)
- 4.1.10 Moeka o ne a na le bomang fa a bona mmotorokara o? Fa maina a bona. (2)
- 4.1.11 Baanelwa ba o ba kaileng mo go 4.1.10 ba ne ba ile go dira eng kwa ba neng ba tswa gona? Naya lebaka la mongwe le mongwe wa baanelwa ba. 2x2=(4)
- 4.1.12 Monna yo o lemogilwe jang gore ke motho wa lohuba? (2)
- 4.1.13 Tlhagisa dilo di le PEDI tse moeka a ratang go di botsa monna yo. 2x2=(4)
- 4.1.14 A moeka o ne a fitlhelela mabaka a o a tlhagisitseng mo go 4.1.13? Tshegetsa karabo ya gago ka lebaka. (3)

[30]

KGOTSA

- 4.2 Fa re lebile ditiragalo tsa padi, e bosenyi bo tlhagelela thata go gaisa botseka. Dumelana le ntlha e, mme o tshegetse karabo ya gago ka mabaka a a nopotsweng go tswa mo pading. Kwala tlhamo e e sa feteng tsebe le halofo.

MADUO A KAROLO YA C: [30]

PALOGOTLHE: 100